

欽定剿平粵匪方略

欽定勦平粵匪方略卷二百四十四 庚申年

六月初三日

乙丑

瑞昌王有齡奏言張玉良自五

月初六日起程後進紮石門灣擬從雙橋陡門  
一路步步爲營直薄城下探聞嘉興之賊時出  
四鄉擄掠多爲民團所敗其西南兩門均已堵  
塞城上黃旗密布槍礮如林意圖拒守臣等又  
令總兵馬德昭統率所部前往爲張玉良後路

策應湖州紳士趙景賢折回湖州以廣德之警  
稍紓擬進攻平望惟聞平望築有賊卡數座踞  
賊數千當先令張玉良進攻嘉興郡城再令趙  
景賢會同劉仁福一軍出其不意由平望撓剿  
可期得手廣德之賊並未內竄米興朝已自孝  
豐進兵臣等亦咨請江長貴由武康安吉而進  
知府彭斯舉副將劉芳貴統帶平江寶後兩營

由餘杭孝豐而進據探賊有竄出西南兩門者  
係通甯國府縣之路已知會各軍跟蹤追勦務  
期掃盡妖氛提臣饒廷選督率各隊先後抵杭  
省城內有兵勇二萬數千人足敷布置現將城  
內各營歸饒廷選統領城外各營歸劉季三統  
領以資約束

同日慶端奏言蘇垣失陷後逆匪由宜興趨樸

湖郡浙西軍情日緊就目前情形而論自應先  
將淳安股匪翦除庶可專顧全局 臣 諄飭饒廷  
選親督各軍合力進剿茲據呈報會合徽閩各  
師連日進攻已克復淳安縣城該逆由北門靈  
溪一路逃竄現經派隊追剿 臣 思浙省固當援  
應而閩省防剿尤亟現經催撥兵勇赴延剿辦  
並飛飭池建功於仙霞嶺等處節節分駐並會

商撫臣瑞璜飭屬趕辦聯甲惟此次援浙必須  
厚集勁旅閩省徵兵籌餉均極爲難惟當浙省  
軍情萬緊亦不敢稍事緩圖現督率司道設籌  
餉糴委千總莊廷禮募勇一千四百名先行赴  
浙並飛催前調之兵勇四千四百名星馳來省  
或由臣親統馳援或交浙江撫臣王有齡調遣  
隨時察看相機辦理均奏入報

同日貴州巡撫劉源灝奏言粵匪由廣西西隆州擁衆萬餘竄入貴州境內連擾興義貞豐歸化等州縣廳屬地方直撲廣順州該署知州史悠漢帶練迎擊賊由小路抄出我軍之後闌入州城古州鎮總兵巴揚阿等軍由廣興鎮進剿史悠漢亦集團隨同官軍進攻旋將該州收復

另股賊匪復竄陷永甯州城經署安順府知府  
周夔等由關嶺進剿已將州城收復惟查該匪  
久有假道竄蜀之意今已深入黔地儻一經入  
川則兩湖山陝在在堪虞黔中軍士飢疲防剿  
均不可恃查署提臣田興恕謀勇兼優素爲粵  
逆所憚臣咨會該署提臣迅速來省應請

飭令督同大隊由石阡遵義徑抵省門斟酌緩急親督



勦辦惟黔中餉糴久竭籌措無方合無籲懇

天恩飭催四川督臣無論何款刻卽籌撥銀三十萬兩

先行解黔其陝西江西廣東山西四省欠解黔

餉亦請

旨嚴催撥解此次廣順州城被匪闖入旋卽收復該署

知州史悠漢未能先事豫防實難辭咎相應請

旨革職留任責令搜捕餘匪守備戴雨先梁獻廷千總

阮登雲把總張禧祚監生譚功遠禦賊捐軀殊  
堪憫惻均請

飭部分別從優議卹奏入

上命軍機大臣傳諭田興恕曰粵匪由興義貞豐歸化  
竄陷廣順永甯兩州城雖經官軍克復匪勢仍復披  
猖省城情形實爲危急著田興恕卽督大隊由石阡  
取道遵義徑抵省門以固根本並將粵黔等匪與劉

源灝斟酌緩急力圖勦辦毋稍延誤

上諭內閣曰粵匪闖入廣順州城該署知州史悠漢雖  
隨同收復究未能先事豫防著卽革職暫行留營帶  
罪自效陣亡之守備戴雨先梁獻廷千總阮登雲把  
總張禧祚監生譚功遠均著交部從優議卹

初四日

丙寅

薛煥奏言五月十二日崑山竄賊由

旱路繞越吳淞江直撲青浦縣城旋即失守復

分股竄松江府城城中不能抵禦亦於十三日  
失守署婁縣知縣卞乃誨遇害眷口殉難查松  
江本係提督駐紮之所城中設有五營額兵二  
三千名前督臣何桂清又派撥督標兵一百六  
十餘名協同防堵聞賊至時祇有華婁兩縣所  
募之勇在西門外秀野橋地方與賊接仗一次  
而五營員弁兵勇無一上前任聽賊匪長驅直

入實堪痛恨松江一切營務悉由參將游桂林主持並不派兵出防是否聞警先逃容查明參奏臣當飛飭輪船並添募礮船水勇派道員張景渠等督帶在松江之東西汶及得勝港等處停泊截其竄渡之路十四十六兩日該逆均以大隊直衝意圖竄撲我營經我軍擊斃四五百名賊仍入城踞守臣現在添募兵勇激勵民團

分投進攻以期迅速克復奏入

上命軍機大臣傳諭薛煥曰青浦松江連日失陷該城文武竟不能爲一日之守且松江郡城營兵儘足防勦乃賊至時僅有華亭婁縣募勇接仗一次而五營弁兵無一人出戰任令賊匪長驅入城實堪痛恨該處營務自張國樑在金陵督師後俱係參將游桂林主持是否聞警先逃著卽迅速查明嚴行叅辦以伸

軍律現在水師雖經獲勝而逆匪仍踞城未退著薛  
煥迅圖克復毋令再行延蔓

上又命軍機大臣傳諭瑞昌王有齡曰前因嘉興廣德  
相繼失陷諭令瑞昌等飭令張玉良統帶水陸兵勇  
步步進紮以期迅復嘉興郡城本日復據薛煥奏青  
浦松江連日失守賊氛甚熾松江與嘉興壤地相接  
現在郡城雖陷而嘉善各屬尙無賊蹤若賊由松江

竄擾旁縣則蹂躪之區愈多攻勦更屬不易浙省兵  
勇及各路援兵統計不下六萬民間團勇又能奮勇  
殺賊著瑞昌王有齡卽飭張玉良迅速由石門進勦  
以圖克復嘉興保全浙境卽可進援蘇省並著激勵  
民國同心殺賊以助兵威

上諭內閣曰江蘇自克復嘉定太倉後崑山餘賊旁竄  
青浦松江兩城相繼失守所有失事之文武員弁是



否聞警先逃著該署督卽行查明嚴叅懲辦其署叟  
縣知縣卞乃詭遇害情形及各該城文武下落並著  
詳查具奏薛煥未能先事豫防著交部議處

初五日丁卯曾望顏奏言逆匪石達開由紅水江

過河竄入黔省分股襲破永甯歸化廣順各州  
廳城又聞有大股已破郎岱之說臣查石逆詭  
詐異常旣已分股四出必致聲東擊西儻由遵

義府竄擾則必越重慶府之南川縣入川儘由  
仁懷假道則川省綦江江津合江等處皆屬可  
虞川省被滇匪竄擾現未勦滅若再任石逆竄  
入情形不堪設想查貴州提臣田興恕已帶兵  
抵銅仁府地方相應請

旨飛飭該提臣卽由酉秀一路直入川境再分兵由遵  
義大定兩路迎頭截勦如兵力不敷卽由川南

川東各州縣招募得力團練歸其統帶臣再督  
飭上游兵勇迅將藍李二逆剿滅挑選得力兵  
將悉赴該提臣軍營助剿奏入

上命軍機大臣傳諭劉源灝田興恕曰前因粵匪竄陷  
廣順永甯窺伺定番黔省危急當諭令田興恕督隊  
徑抵省城力圖剿辦茲據曾望顏奏粵匪石達開分  
陷永甯廣順等處並有大股已破郎岱之說黔省畢

節縣與川境毗連請飭田興恕入川等語石逆垂涎  
川省已久黔疆瘠苦該逆未必久踞恐其聲東擊西  
假道以遂入川之計四川滇匪尙未剿除所有兵勇  
均赴天全井研兩處勦辦未暇分顧若令石逆乘閒  
闖入必致滋蔓難圖著劉源灝田興恕酌量緩急如  
黔省情形稍鬆探明果係石逆大股入川卽帶兵迅  
赴酉秀由綦江敘永分投迎勦旣可以保川省藩籬

亦可以樹黔省聲威毋致顧此失彼

上又命軍機大臣傳諭官文胡林翼駱秉章曰粵逆石  
達開由紅水江竄入黔省分股攻陷永甯廣順等州  
勢甚猖獗川東一帶與黔省在在毗連若由黔入川  
更恐滋蔓難圖前調蕭啟江一軍赴川本爲防剿石  
逆而設嗣蕭啟江抵川病故楚軍統領乏人曾諭令  
官文等於湖南北兩省中揀派得力大員前往管帶

此時如已揀派有人著卽飭令迅赴川省以資攻剿  
左宗棠現在襄辦曾國藩軍務前有旨令官文等妥  
速籌商令該員赴川督辦軍務昨據曾國藩奏該員  
在楚南募勇隨同剿賊亦恐不能卽往蜀中此時川  
省滇匪未除石逆又將竄擾該省據兩湖上游設或  
糜爛楚省亦有西顧之憂左宗棠前在湖南襄辦軍  
務尙爲石逆所畏若令督辦川省軍務能否勝任仍

著官文等迅速具奏

同日吏部尙書許乃普都察院左都御史沈兆  
霖都察院左副都御史朱鳳標太常寺卿湯修  
膺事府少詹事許彭壽通政使司參議倪杰右  
春坊右庶子夏同善奏言臣等前次遵

旨將團練事宜並公正之紳士陸續專摺奏

聞現在浙省情形十分危急必須趕緊籌辦若派在京

大員前往誠恐緩不濟急 臣等查有在籍前任  
漕運總督邵燦曾在淮安辦理防堵丁憂已回  
浙江原籍之前任左副都御史王履謙曾在河  
南防河數載均係老成練達堪膺督辦團練之  
任又浙江前任杭嘉湖道孫觀才品兼裕素得  
民心揀發道史致諤明幹有爲遇事精審堪充  
幫辦之選應請



旨簡派二員作爲督辦幫辦至分辦各紳士臣等前已酌保數人茲又就采訪所得彙總繕單呈

覽候

旨派往奏入

上諭內閣曰著派前任漕運總督邵燦作爲浙江督辦團練大臣並著浙江差委道員史致諤幫辦團練事宜卽著按照河南等省所議章程體察情形妥爲辦

理

同日彭蔭章張祥河潘曾瑩厲恩官董醇殷兆  
鏞潘祖蔭吳存義曹毓瑛奏言臣等欽奉

諭旨令於江蘇司道中訪察堪以幫辦團練之員正在  
訪察閒奉

旨湯雲松著調補江蘇按察使臣等查湯雲松爲守兼  
優官聲素著於江南地方情形最爲熟悉以之

辦理團練可期得力相應請

旨飭令湯雲松幫辦江南團練事宜是否有當伏希  
聖鑒奏入

上諭內閣曰江蘇按察使湯雲松著幫同前內閣學士  
龐鍾璐辦理江南團練事宜

初七日己巳廣西巡撫劉長佑奏言逆匪石達開

屯踞慶遠府城分股竄擾思恩河池等處知府

榮林會督團紳進攻思恩擒斬賊目多名餘匪  
由五洞逃竄河池賊匪亦經該處團練痛剿屢  
挫賊鋒榮林乘勝會合署河池州涂開元分道  
圍攻該匪棄寨潰走各勇奮力截擊陣斬千餘  
人生擒數十名軍威大振慶遠逆匪震恐自相  
殘殺多向賓州潛遁榮林卽率勇練由西路前  
進署宜山縣知縣況逢春等各率團練由北路

前進四月十八日榮林自懷遠渡河遇賊於獨  
山塘擊斃二千餘名況逢春等沿途轉戰亦斃  
賊千餘人次日會師城下該逆開門由南路逃  
逸官軍追逐數十里殲擒賊匪多名當將郡城  
收復聞石達開擁眾混逃前隊已過賓州地界  
據獲犯供稱石逆欲暫投賓州再定趨向臣現  
咨右江鎮及南甯百色泗城各地方文武分投

扼截並飛咨廣東雲貴各督撫 臣調派兵勇沿邊防勦總兵李明惠等現進勦柳州艇匪一俟全境廓清卽飭令移師賓州跟勦石逆奏入

上命軍機大臣傳諭劉長佑曰昨據曾望顏奏石逆大股分陷永甯廣順等處本日劉長佑奏稱該逆由慶遠竄赴賓州未定所向自係探報較遲或該逆前隊已擾及永甯等處而該逆尙留賓州均未可定四川

久爲該逆垂涎但能於粵省多除一匪卽於黔蜀均屬有益著劉長佑督飭將士乘此聲威迅速圍剿勿令竄入川省其已竄黔界之匪並飭該將士等與黔省官軍實力夾擊

初八日庚午瑞昌王有齡奏言逆匪盤踞長興經

該縣在西南兩鄉勸辦團練一萬七千餘人分路進攻賊匪敗退宜興之賊復由水口竄入袁

家嶺一帶並在荆溪所轄之湖汊地方打館經  
該縣會同各鄉團勇連日截剿先後斃賊二千  
餘名各團勇直搗賊巢殺斃賊目二名及賊黨  
數百人奪獲器械無數廣德再陷後臣等咨行  
江長貴等分路進剿官軍行抵廣德逆匪大股  
已先行退出其後隊甫出廣境經兵勇搜殺二  
十餘名臣查長興各鄉團練肅清縣境實屬義



勇可嘉至廣德之賊實由自退米興朝咨報收復且所部傷亡過半難期得力已飛催江長貴在廣德扼要設防米興朝一軍或撤回徽甯或調防他處容臣等與張芾周天受商酌而行據探該逆竄出廣德卽一走涇縣一走甯國縣又有青陽之賊由涇縣竄至旌德查旌涇均與甯國毗連而孝豐於潛昌化三縣又與甯邑接壤

現已飛檄知府彭斯舉等馳往各處分投防剿  
俾賊不敢窺竄我軍即可盡力攻剿嘉興以期  
迅速得手

瑞昌王有齡又奏言提臣張玉良進攻嘉興派  
副將劉萬德等前往陡門以上踏看地勢行至  
距嘉興七八里地方遇賊千餘在彼擄掠劉萬  
德帶同都司李飛龍等分路截擊賊衆驚逃我

軍追殺百餘名淹斃一二百名卽令總兵吳再  
升進紮陡門該提督自率兵勇前往距嘉興十  
二里之牟家營地方踏看地勢以備進紮賊匪  
二三千人突出包抄該提督率同馬德昭等兩  
面夾擊逆衆敗退各軍跟蹤追殺轟斃執旗悍  
賊數名生擒賊目顧大林一名據供逆首僞忠  
王李侍賢現在嘉城連日又添黨七八千城上

安放漆木並於城外設卡防守等語臣等查嘉興爲浙西門戶亦卽爲蘇省藩籬該逆旣添集醜類必爲久踞之計現會商張玉良調集水陸各軍剋期大舉迅拔堅城頃聞蘇省之青浦縣松江府均爲賊踞該處離嘉善平湖等縣甚近旣可歸併嘉郡又可直達海塘臣等擬將馬德昭一軍往守嘉善現據張玉良來咨以馬德昭

進紮牟家營欲派副將韋明堂由省城取道海甯海鹽前往駐守奏入均報

聞

王有齡又奏言此時籌餉之法惟勸捐爲最要浙省惟甯紹二府最爲殷富亦最完善查丁憂回籍之前都察院左副都御史王履謙德望兼隆輿情欽服以之總司捐務可期得力相應請

旨將紹屬勸捐事宜責成王履謙駐局總辦此外尙有  
團練籌防各事亦著王履謙督率辦理奏入

上諭內閣曰浙江在籍前任都察院左副都御史王履  
謙著幫同邵燦辦理該省團練並督辦勸捐事宜

同日慶端奏言賊匪由宜興竄陷長興攻撲湖  
州郡城雖經官軍擊退而長興續有賊至廣德  
州等處軍務均未稍鬆吳江縣城已於四月二

十四日失守平望兵勇失利賊匪直犯嘉興水陸均可達杭省城萬分危急臣已咨商撫臣王有齡將總兵繼興所統閩兵三千名全調赴杭並飛催金廈泉州兵勇一千四百名兼程赴浙此時賊勢猖獗臣自應親往督師共挽危局現經飛催前調各起兵勇剋日來省以便統帶馳援惟兵力甚單相應請

旨飭催兩湖江西各省速撥勁旅星馳赴浙會剿奏入  
上命軍機大臣傳諭慶端曰逆匪竄陷嘉興杭城危急  
瑞昌王有齡業經派張玉良督兵進剿並節次諭令  
瑞昌總統江南諸軍由浙進攻蘇常兵力尙敷剿辦  
慶端請帶兵前往會剿自係不分畛域但福建毗連  
浙省必須嚴防門戶以免該逆乘虛竄越著慶端卽  
帶兵勇馳赴閩浙交界處所扼要駐紮與浙省遙爲



聲援毋庸赴浙轉致本省空虛現在曾國藩統兵由  
祁門前進湖北派兵已多勢難再調官文等現已派  
員赴湖南募勇江西亦經添派官兵援應均無須另  
行徵調所有福建派援之金廈泉州兵勇著該督卽  
飛催前進毋稍延誤

十二日

甲戌

瑞昌奏言目下浙省情形經提臣張

玉良撫臣王有齡竭力整頓布置周密又得撤

回嚴防諸軍以及各路援師扼要填紮漸覺轉危爲安然嘉興松江未復大江南北尙無會合之兵各路赴援蘇常之軍及所收潰散兵勇除由張玉良調攻嘉興外江長貴一軍移紮廣德劉芳貴一軍分扼孝豐蕭翰慶所遺楚師現歸趙景賢暫帶與劉仁福一軍亦俱歸張玉良調遣其餘各軍或扼堵於潛昌化以防甯國進竄

雙字專名考卷三十四 二十一  
之路或扼堵嘉善平湖以防松江斜抄之路是  
皆無可裁撤省城兵勇統計一萬五千餘名本  
屬無多亦已悉數填紮城廂內外又皆無可抽  
撥署督臣曾國藩聞已渡江由東路進徽然到  
杭尙須時日此時分路並進恢復江南刻不容  
緩合無請

旨飭催該署督兼程來浙會商進取以挽東南大局現

擬俟攻克嘉興騰出兵力並揀選各路援軍與  
會國藩會合前進惟各軍馬隊甚少可否懇

恩飭下河南山東各省迅派得力將官督帶馬隊二三  
千名星馳前來交臣調遣以資得力奏入

上命軍機大臣傳諭瑞昌王有齡曰浙省各路援師並  
收集潰散兵勇爲數已屬不少正宜乘此兵力規復  
嘉興松江兩郡迅速進攻蘇州以期挽回大局若再

遷延觀望俾賊匪得以從容布置勢將負隅久踞攻  
克又稽時日且恐四出蔓延防剿更形棘手曾國藩  
現由東流進駐徽郡俟增募湖南新勇到齊皖南防  
剿布置稍定再圖進取恐一時未能到浙瑞昌惟當  
迅速起程督同張玉良統率各軍攻克嘉松進剿蘇  
郡不得坐待曾國藩到杭亦不得株守省垣藉詞防  
守所請調河南山東各省馬隊此時豫東兩省本處

防勦正在喫緊勢難再行分撥前往他省助勦

上又命軍機大臣傳諭曾國藩曰據瑞昌奏浙省援師及收集兵勇除由張玉良調攻嘉興外尙須分扼孝豐於潛嘉善等處現存兵無多急盼援師方能進規蘇州松江請飭曾國藩兼程赴浙會商進勦等語該將軍兵力較單亦屬實情曾國藩前奏行抵徽州後尙須待新募勇到時再行前進自爲持重起見第蘇

松常等府均屬財賦之區果能早爲規復或可不至糜爛著曾國藩酌度情形如所帶官軍合之瑞昌兵勇足敷剿辦卽著星馳前進將蘇州等府縣城池速籌克復不必再俟新勇其如何取道浙中以便與瑞昌面商各務並著斟酌辦理張芾督辦皖南軍務不能得力曾國藩現已渡江著仍遵前旨卽將能否兼顧之處據實奏聞

十四日

丙子

王夢齡奏言據報江陰又爲賊踞匪

蹤蟻聚君山一帶查江陰與靖江僅隔一江難保不窺伺江北江南派來之長龍船隻停泊高郵一帶現在湖防稍鬆有黃開榜統帶礮船六十隻臣又酌量添補並有雇募漁網等船暫資

扼守當函商李若珠將長龍船調出江口擇要扼紮現據咨稱已飭調該師船前赴靖江南北



聞

兩岸駐防巡哨臣並嚴飭沿江各州縣督率團勇會同水師嚴密防範奏入報

同日兵部尙書陳孚恩吏部右侍郎萬青藜奏言江西比年以來各府州縣被賊蹂躪殆徧近雖賊氛稍遠而回竄在在堪虞是江西團練亟應籌辦臣等查有

欽加四品銜前南書房行走翰林院修撰劉繹精明穩  
練於地方情弊皆能洞悉可否仰懇

天恩賞加三品京堂銜令其督辦江西團練事宜再江  
西督糧道李桓吉南贛甯道沈葆楨皆辦事實  
心士民悅服紳士布政使銜甘肅安肅道劉于  
涇候補道朱孫詒皆才略優長屢經戰陣可否  
幫辦團練之處均請

旨定奪奏入

上諭內閣曰在籍四品銜前任翰林院修撰劉繹著賞給三品京堂銜作爲江西督辦團練大臣並著吉南  
贛甯道沈葆楨布政使銜甘肅安肅道劉于涇幫辦  
團練事宜

欽定勦平粵匪方略卷二百四十五 庚申年

六月十五日

丁丑

曾國藩奏言連日准浙江撫臣

王有齡函稱蘇屬多爲賊陷又陷松江郡縣太倉嘉定失而旋復張玉良進攻嘉興兩次獲勝廣德州業經收復統計浙省兵勇六萬餘人是兵力已厚不獨杭城可保且能由嘉興以漸圖蘇松賊勢趨杭一節當不至上勞

宸廬至安慶一城有楊載福彭玉麟曾國荃等水陸扼  
紮斷賊接應惟逆匪四眼狗母妻宗族皆在城  
中秋閒援賊必至如能與多隆阿李續宜各軍  
合力擊退則城賊勢窮可期得手但使陳逆全  
股與安慶桐城官軍相持亦足分下游之賊勢  
紓蘇浙之兵力至南岸三路進兵之說目今賊  
燄彌盛占地愈廣我軍全力進攻深患賊抄我

後適接王有齡函開中路不宜遽進溧陽恐其  
驅賊南犯臣擬俟左宗棠李元度鮑超張運蘭  
等先後到齊北路則直趨池州南路則直趨廣  
德中路則暫不深入先守徽甯要隘庶免抄我  
後路亦無偏賊南竄之虞此臣注重安慶皖南  
不敢先圖蘇常一隅之微意奏入

上命軍機大臣傳諭曾國藩曰前因江蘇軍情緊急諭

令曾國藩星馳前進迅復各城茲據奏稱不宜遽進  
溧陽恐其驅賊南犯擬俟左宗棠等到齊分路進攻  
先守徽甯要隘以免賊匪抄後自係持重老成之見  
著照所擬辦理至浙江軍務張玉良進攻嘉興雖獲  
小勝尙未克復郡城現在松江府城克復薛煥會督  
兵團進攻青浦若同該署督所派援軍分道並進與  
瑞昌等軍會合進剿更可大振軍威該署督務當兼

權緩急毋得坐失機宜

同日薛煥奏言松江之賊連被我軍攻勦斬斃甚多賊鋒已挫臣當札委道員張景渠等聯絡各路礮船署蘇州府知府吳雲會集民團分投布置五月二十七日偵知該逆分路出巢並以大股出東門圖竄上海我軍乘其不備進攻南門斃匪多名城賊慌亂兵勇奮勇上前立將城



門擊毀直隸州州同應寶時帶領官兵首先由南門殺入兵團一擁前進該匪由西北兩門逃竄我軍分投趕殺斃賊一千餘名內有黃衣賊目十三名悍賊二百餘名奪獲大小板船七十餘隻木礮一百餘方器械旗幟無數立將松江府城克復餘匪搜殺淨盡其山東門逸出之賊竄近滬城亦經兵勇民團沿途截殺斃賊無算

餘匪竄距青浦十二里之北絳山 臣現酌留兵  
勇防守府城並飭該府縣趕將善後妥爲料理  
飭令各官兵約會民團乘勝進攻青浦以圖次  
第克復奏入

上諭內閣曰江蘇松江府城被賊竄踞經薛煥飭令候  
補道張景渠直隸州州同應寶時等分投進剿當將  
府城克復勦辦甚爲得手著薛煥督飭兵勇民團乘

勝迅復青浦進攻蘇州所有此次出力之文武員弁  
兵勇並團練紳董勇丁著薛煥查明保奏

十六日

戊寅

楊載福奏言查吳全美紅單等船僅

三十七號李德麟僅十八號合之尙成一軍分  
之實形單弱現在巴棟阿固守鎮江正賴師船  
聯絡焦山瓜州江面遼闊若僅令吳全美前往  
誠慮兵力太單適據曾國藩咨開飛調吳全美

李德麟全軍分扼下游各江口並保全裏下河  
臣當卽咨催李德麟迅卽會同吳全美帶領師  
船全數併赴下游聽候李若珠調遣其蕪湖以  
上江防臣自與彭玉麟嚴密防堵不敢稍懈

同日李若珠奏言蘇常逆匪復竄江陰屯踞縣  
城搜取船隻意圖北竄臣查上游總兵吳全美  
艇船今尙未到其自儀徵沙頭三江營靖江營

皇朝通志卷之三十三

三

泰興通州以至狼山福山中港五百餘里雖有  
各起艇師按段駐守究恐該逆併力北竄堵禦  
尙形單薄查高郵州湖面前有總兵黃開榜帶  
領礮船及漁網船共七十餘號復又派去總兵  
曾秉忠長龍船一百號刻下菱塘橋旣已肅清  
薛成良亦已殲滅該處無須多用船隻當卽咨  
商署漕臣王夢齡請將高寶一帶統歸黃開榜

聞

水師駐紮其曾秉忠所帶長龍船卽令其就近  
入江駛赴江陰靖江一帶探明堵剿則江面湖  
面均有兵船足資防禦均奏入報

同日王有齡奏言 臣到任後卽通飭各屬舉行  
團練三四月閒賊踞分水瀆安等縣附近民團  
隨同殺賊長興西南兩鄉團練二萬餘人前後

殺賊數千肅清縣境嘉興失陷賊至王店鎮北鄉焚掠復來賊船二十餘隻焚燬寶勝廟等處經團勇施放槍礮斃賊無算擊沈礮船三隻該匪時出竄擾又經硤石鎮民團前往助戰殺斃多名陡門有賊船十餘隻並大股賊匪遙擁前進經布政司理問銜沈林帶團痛勦槍斃百數十人疊次拏獲奸細四十餘名此外七安鎮及

石門海鹽各鄉鎮一律舉辦合計各路團勇不下五六萬人靡不志切同仇願隨官軍攻勦共圖恢復已咨商張玉良與之聯絡以助聲威至蘇省所屬吳江縣之同里黎里等鎮亦求示諭勸辦業經委員前往諭令聯絡各鄉集團自衛一俟官兵前進卽行助勦並隨帶功牌以備獎賞奏入



上命軍機大臣傳諭瑞昌王有齡曰據王有齡奏通飭各屬舉行團練谷該處踴躍奉行無不同仇敵愾願隨攻勦實屬義勇可嘉該撫通行勸諭並先給功牌獎勵辦理亦甚得宜團練原爲紳民義舉以衛桑梓而固疆圉現在各省均係民捐民辦將來或援案加廣中額學額或照捐例給予官階或與打仗人員一體保奏優加甄敘但能辦有成效殺賊立功朕必破

格施恩以昭懋賞該撫卽當出示曉諭妥爲辦理總  
期兵民聯爲一氣以資攻勦現在平望旣經克復卽  
著瑞昌督飭各軍會合民團迅復嘉興則蘇常各郡  
可期次第攻克

王有齡又奏言江蘇平望地方被賊竄踞湖州  
紳士趙景賢以該處距嘉湖均止百里必先克  
復平望然後攻勦嘉蘇該紳卽督帶各勇及礮

船槍船往勦馳抵梅堰六里橋地方見該逆沿河築壘釘樁卽行開礮轟擊斃賊數十名五月二十二十一等日復派礮船並營官進勦並親督先鋒營都司李楚材等各帶隊伍由鶯脰湖草蕩漾一帶進攻一面於橋梁斷處搭造浮橋並令同知蔣維堃庠生李調元等帶領團勇於六里橋一帶進逼賊出四五千人分路迎拒當

飭令各營水陸併進槍礮齊施鏖戰數時賊衆紛紛敗退當將沿河賊卡盡行燒燬計斃賊目三名餘匪二百餘名趙景賢復添調楚軍各營勇並礮船槍船馳赴平望南潯雙林晟舍等處民團紳董均來助勦該紳密爲布置二十五日夜由鶯脰湖畫眉橋分路進兵李楚材等奮勇爭先撲入賊營連破東路賊卡羣賊自相踐踏

該紳復飛督西路一軍撲過賊濠李調元一躍而登各勇繼進立將賊匪礮臺拆毀奪獲大礮三尊於米市湖會合全軍殺斃賊匪千餘名餘匪向八坼一路分竄遂將平望克復衆軍紮營南北兩塘以扼嘉興蘇州兩路臣仍令趙景賢駐紮平望爲嘉興後路聲援其在事出力員弁可否容臣擇尤保獎奏入得

旨准其擇尤保奏

二十一日

癸未

慶端奏言臣前因浙省危急亟思

統師親往共掃妖氛現在浙省兵力既厚杭垣情形較鬆而閩省水陸防勦均關緊要臣惟有暫緩統師出省其前調援浙各兵勇業已飛飭截回分別遣散歸伍仍隨時察看浙省軍情相機策應奏入報

卷之三十一

同日劉源灝奏言自永甯克復後餘匪由南工  
逃竄另股賊匪於五月十二日竄陷歸化廳城  
署安順府事周夔署提標參將全興等由永甯  
進紮距歸化廳城五里之連升關親督隊伍冒  
雨衝擊賊匪分股蠶擁而出兵練極力抵禦賊  
匪愈集愈多周夔全興被賊裹入重圍力戰陣

亡代理永甯州事胡繼學等亦同時被害賊復分股與逃竄南工餘匪聯合圍攻鎮甯州並分撲安順府安平縣欲圖下竄臣飛飭署安順府葉如松會同遊擊何占標迅速帶隊兜剿並咨調古州鎮總兵巴揚阿由定番移軍安平迎頭截擊黔中各匪因粵匪犯境乘機肆擾附省數十里外徧地皆賊修文縣城被陷而粵匪前隊



已竄至羊昌河一帶距省西不及百里現在省  
兵無多斷難持久如粵匪再由西竄則四面受  
敵力更難支應請

飭下田興恕移師速進以應省援所有陣亡之署安順  
府知府道員周夔等應請

旨交部分別從優議卹

同日署貴州提督田興恕奏言臣接准劉源灝

飛咨粵匪大股由廣西竄入貴州永甯廣順兩  
州同陷永甯一股已竄過盤江圖攻安順省城  
喫緊催臣督軍赴省堵剿等情臣思粵逆石達  
開兇悍無比現在分竄永甯廣順一帶在黔省  
上游道路紛歧可滇可蜀尤慮該逆以一股分  
竄黔省上游意圖牽掣以一股由荔波徑竄入  
蜀則臣軍道遠兵單斷難兼顧臣現飛飭道員

韓超嚴防鎮遠一帶並催令沈宏富等直趨涇  
潭如石逆由此竄入卽迎頭截擊派劉義方等  
進勦松桃貓貓山老巢該處與楚蜀接壤如石  
逆竄至該處臣卽親督全軍繞道疾馳會合川  
兵堵勦臣現駐營石阡居中調度如石逆窺楚  
臣卽馳回靖州一帶相機防勦均奏入

上命軍機大臣傳諭劉源灝田興恕曰粵匪自攻陷歸

化廳城後已至羊昌河一帶距省不及百里苗教各  
匪攻陷修文縣城屯聚省城數十里外省中存兵無  
多異常喫緊著田興恕迅將勦辦下游各軍部署完  
竣卽督所屬由婺川取道遵義馳赴省城會同巴揚  
阿等兵練分投掃蕩一俟省垣情形稍鬆仍卽馳回  
石阡相機堵剿以固川省門戶

上諭內閣曰粵匪竄踞貴州永甯州城經署安順府知

府周夔署提標參將全興督兵收復後另股賊匪復  
陷歸化廳城周夔全興進紮連升關因賊衆兵單被  
賊裹入重圍力戰陣亡其附省一帶苗教各匪圍攻  
修文縣城旋經失守著劉源灝飭令帶兵各員會合  
鄉團力圖克復陣亡之道員署安順府知府周夔著  
照道員陣亡例從優議卹署提標參將前任清江協  
副將世襲三等男爵全興代理永甯州事候補府經

歷縣丞胡繼學並該員之子文童胡文昭把總張起發武生趙秉權均著交部從優議卹劉源灝未能先事豫防著交部議處

二十三日乙酉薛煥奏言江陰縣城於五月十六

日被賊復陷嘉定縣城克復後又因松郡餘匪回竄崑山蘇州援松之賊到處焚掠北彝山紀廟野雞墩黃渡等處徧地賊蹤均經臣分派兵

勇民團擊退而黃渡一股忽於六月初五日回  
竄嘉定城復失陷臣現派兵進攻而太倉寶山  
上海亦均派撥兵圍堵截至江震所屬之平望  
鎮前經湖州紳士趙景賢帶勇克復後因賊衆  
叢聚聞又失陷近日各路賊情鷓張金壇被圍  
五十日防兵堅守求援臣飛咨總兵馮子材迅  
速派兵救援以保危城奏入報

二十四日

丙戌

瑞昌王有齡奏言已革提臣張玉

良進攻嘉興屢獲勝仗派總兵馬德昭等進紮  
牟家營三塔寺等處五月十七日逆首王姓率  
黨萬餘欲乘夜由新塍撲犯陡門我軍因三塔  
寺賊營空虛卽挑隊伏守新塍來路派總兵吳  
再升等分路進攻齊撲賊壘該逆死力拒守我



軍火彈噴筒齊施都司王運新槍斃悍賊七名  
乘勢搶上賊壘手刃老賊數十名各軍爭先進  
殺斃賊無算復將西北賊壘大卡二座一併焚  
燬城內突出賊股三萬餘人撲圍我軍張玉良  
督軍左右衝突復調集戰船開礮橫轟賊勢頓  
卻各軍乘勢壓下逆衆卽時敗退繞過新塍復  
被伏兵截殺共計斃賊七八千名生擒五百二

十名奪獲旗幟器械五百六十八件連日擬由  
三塔寺前搭造浮橋進紮環攻二十四日城賊  
又竄出萬餘直抵普濟寺及對河修卡築壘搭  
造浮橋張玉良飭遊擊張言和等設伏進攻該  
逆渡河深入伏兵齊起連環轟擊賊衆潰散新  
修卡壘悉行攻破其河東賊壘二重礮臺三座  
亦乘勝一律攻毀各軍偪近西城圍紮營盤城

賊時出撲犯俱經我軍擊敗現在平望鎮業經趙景賢克復兵勇進紮盛墩逆賊歸路已斷我軍三面兜圍逆勢窮蹙惟東門一時未能扼紮臣等商調劉季三一軍馳赴海鹽一路扼勦並檄飭張玉良親督各軍趕緊攻克惟聞該逆頻添逆黨力踞嘉城並欲由湖入浙阻我進步又據報宜興之賊由新塘竄入嘉興境內旌德賊

匪又復旁竄甯郡廣德俱形喫緊現在趙景賢  
回顧湖郡平望防兵甚單探聞逆賊有交秋力  
圖徽浙並竄江西之謠若不速圖轉恐爲所牽  
掣臣俟曾國藩到浙後妥爲商定力圖防剿奏  
入

上命軍機大臣傳諭瑞昌王有齡曰張玉良等進攻嘉  
興將城外逆壘一律攻毀現在偏近西城紮營勦辦

尚爲得手著瑞昌王有齡督飭張玉良等乘此聲威  
迅圖克復至平望踞賊昨據薛煥奏稱趙景賢於克  
復後因賊衆蠶聚聞又失陷究竟是否得而復失著  
瑞昌王有齡確切查明迅速具奏

同日

上命軍機大臣傳諭曾國藩曰前據奏酌擬變通進兵  
章程北趨池州南趨廣德中守徽甯布置稍定卽親

赴淮揚南北兼顧所籌尙爲周妥本日已授曾國藩爲欽差大臣督辦江南軍務上海官軍自克松江後進攻青浦薛煥僻處海隅兵力甚單瑞昌尙在浙省張玉良進攻嘉興未經收復此時蘇常一帶並無重兵攻勦前命都興阿馳往督辦現該將軍尙在英山駐紮江北各軍無人總統深恐賊勢北趨勦辦愈難措手曾國藩責無旁貸著卽飛催左宗棠李元度鮑

皇朝通志卷一百一十三  
一  
超張運蘭等到齊由池州廣德分路進兵規復蘇常  
其江北一帶應如何布置並著先行籌畫該大臣務  
當統籌全局迅掃逆氛以副委任

上又命軍機大臣傳諭官文都興阿胡林翼曰前命都  
興阿馳赴江北屢諭官文胡林翼迅調多隆阿舒保  
馬隊並調得力兵勇派員管帶聽候該將軍調遣乃  
鄂省總以無兵可撥爲詞以致遷延時日江北久無

統帥防剿喫緊將來蘇常得手賊勢必至北趨亟宜  
嚴密布置以固江北藩籬著官文胡林翼仍遵旨迅  
卽添調馬隊並得力兵勇三四千名速赴都興阿軍  
營以便該將軍統帶前赴江北防剿不得遷延貽誤  
上諭內閣曰兩江總督著曾國藩補授並授爲欽差大  
臣督辦江南軍務所有大江南北水陸各軍均歸節  
制



二十五日丁亥巴棟阿奏言目下江南賊情據報

蘇常賊首陳逆糾集大股折回丹陽有窺伺鎮江之意六月初一二日該逆果來辛豐越河一帶意圖攻犯鎮城臣卽商由馮子材親督隊伍前往迎擊該逆聞信遁逃現仍加意嚴防不敢稍懈聞張玉良現紮嘉興所部兵勇有二萬一千餘人業經分道進兵若蘇常勦辦得手該逆

大股回竄則鎮江愈形喫重查鎮防各勇僅一萬四千六百餘名其中招集者大半並無軍械惟有照舊安插以資堵剿聞荊州將軍都興阿不日可抵揚防如能分帶勁旅渡江南來會合各路援師相機夾擊則可漸圖恢復現在金陵以下惟鎮城固守其餘南岸徧地皆賊北岸雖有長江之險仍恐該逆偷渡查總兵陳國泰統

帶紅單十五船龍快二船駐防儀徵英洲頭一  
帶黃彬統帶紅單十四船駐防瓜州遊擊賴鎮  
海統帶艇師各船三十六隻分泊瓜鎮金山甘  
露港一帶參將李新明統帶紅單十四船分泊  
東馬頭諫壁口都司張瀚管帶拖魯六船龍快  
五船分防丹徒口京口副將鞠耀乾統帶艇船  
十四隻駐防大港一帶總兵周希濂統帶艇船

十八隻分防小河口北岸沙頭口岸鎮等處遊擊郭定猷統帶艇船十八隻分防江陰黃由港北岸靖江八圩港新港四圩港等處各船上自儀徵下至江陰南北兩岸僅共一百四十二隻外曾秉忠統帶長龍船九十隻由邵伯駛赴江陰靖江一帶分泊協防但江面袤延數百里且又兼顧北岸艇力頗形單薄而江陰之下狼山

福山暨劉河地方均爲下游第一要隘江面遼闊更宜嚴密設防其餘各口亦須擇要分泊聯絡聲勢目下除泊儀徵英洲頭一軍可防浦六竄匪外其餘北岸停泊之船皆宜歸併南防以資厚集南防旣嚴逆蹤亦難北渡如丹徒越河各口河身淺窄賊艘斷難驟至祇須以戰艦三五隻駐泊口門足敷扼堵臣請調火輪船二隻

日內當可駛到水軍聯絡江面自可無虞臣仍  
斟酌緩急調派各防並令餘船分布梭巡往來  
策應奏入

上命軍機大臣傳諭巴棟阿李若珠曰賊踞蘇常有窺  
伺鎮江之意巴棟阿卽就現有兵力認真堵剿該處  
各勇旣有一萬四千餘名若能認真訓練亦可隨同  
勦賊不得任其坐糜糧餉至江面水師本歸李若珠

調遣據巴棟阿奏稱除泊儀徵英洲頭一軍外其餘  
北岸停泊之船皆歸併南岸等語江面師船全在分  
布得宜方能有益若偏重一處必至顧此失彼著李  
若珠卽令擇要分泊上下梭巡嚴扼江面現在楊載  
福已令李德麟吳全美等駛赴下游卽可與陳國泰  
等互相聯絡總宜視各口之險夷以定師船之多寡  
方爲妥善並著李若珠於水營鎮將中擇其堪以統

帶師船者酌保一員聽候簡派

上又命軍機大臣傳諭楊載福曰江面南北兩岸艇船  
僅二百餘隻兵力尙單楊載福已飭李德麟與吳全  
美併赴下游現在江防喫緊著楊載福嚴催李德麟  
等剋期迅赴聽候李若珠調遣毋稍遲誤

二十七日 己丑 官文胡林翼奏言欽奉

諭旨詢問左宗棠能否督辦四川軍務 臣等往返函商



曾國藩渡江僅帶朱品隆所部三千人並湖北  
所撥鮑超等勇七千人如欲分謀池太兼顧江  
西揚州必須厚集兵力探聞江蘇之賊近已回  
屯蕪湖和州兩岸是欲窺伺湖北江西爲西犯  
之謀曾國藩一軍亦嫌力單左宗棠以新練之  
軍於襄辦江皖軍營尙堪有濟若督辦四川軍  
務恐難勝任查粵西撫臣劉長佑自隨前任安

徽撫臣江忠源轉戰粵西湖北安徽江西等省  
久於行陣其舊部李明惠劉坤一江忠義席寶  
田等皆堪分任軍旅可一面先行馳援重慶等  
處一而在湖南增募二三萬人入川勦辦必能  
得力若令劉長佑由閒道出西陽秀山兼程進  
保重慶取徑最捷保全甚大如慮石逆先期竄  
蜀或改道荆宜速保夔州尙可補救奏入

上命軍機大臣傳諭官文胡林翼略秉章曰前因四川軍務緊要擬令左宗棠前往督辦當諭官文胡林翼將該員能否勝任迅速具奏茲據奏稱左宗棠督辦川省軍務難收速效若令劉長佑由西秀進保重慶取徑甚捷保全甚大等語左宗棠卽毋庸赴川仍襄辦會國藩軍務廣西省現在防勦正當喫緊劉長佑未便遽離湖南地方尙稱安靜著略秉章卽馳赴四

川督辦軍務該撫於湖南紳士素爲熟悉擇其曉暢軍務者酌量帶往並添募湖南練勇以資勦辦湖北軍營中曾經戰陣得力之員籍隸湖南者亦不乏人著官文胡林翼酌派數員交駱秉章差委石達開窺伺川疆滇匪尙未撲滅其勢岌岌可虞東總現署川督未諳軍旅該撫務卽迅速起程由便道入川毋稍延誤

同日許乃普奏言浙西門戶以皖省徽甯兩府  
爲扼要查徽甯距浙均不過數百里最近者莫  
如徽州而徽屬之婺源尤爲兩省要需現在皖  
省團練尙未

欽派有人皖北情形非臣所素悉未敢置議惟皖南爲  
浙西唇齒之區查有道銜工部郎中余述祖年  
富力強素爲鄉里所重可否請

旨飭令該員回籍督辦本縣團練呼應必靈並請

飭下曾國藩察看該員如果得力即使督辦皖南全局

以專責成奏入

上命軍機大臣傳諭曾國藩曰皖南爲江浙門戶地當  
要衝曾國藩已抵建德卽日進駐徽境現在各省舉  
行團練皖南地方緊要自應一律辦理茲據許乃普  
奏請飭工部郎中余述祖回籍辦理婺源團練該員

資望較淺若令專辦該縣團練或可得力著曾國藩  
察看情形或擇其諳練軍務素繫人望者酌保一員  
迅速奏聞候旨簡派

二十九日 辛卯 兩江總督曾國藩奏言候補四品

京堂左宗棠前在湖南贊助軍事肅清本境克  
復鄰省上年石逆竄湘幫同撫 臣 駱秉章指揮  
調度其才可以獨當一面前奉

諭旨令襄辦軍務該員聞

詔之日卽在湘募練五千餘人俟秋閒成軍率以東下  
若令該員獨往川省則臣頓少一枝勁旅恐不  
足當皖南之逆氛合無籲懇

聖恩俯念臣襄助需人仍令左宗棠督勇來皖實於江  
楚等省大有裨益奏入

上從之



曾國藩又奏言查大江北岸安慶無爲和州各  
城南岸池州蕪湖太平各城皆濱臨大江將來  
陸軍進攻金陵沿江掃蕩必藉水師夾勦之力  
吳全美李德麟等師船本駐魯港現因下游喫  
緊遵

旨將吳全美調往並經臣飭李德麟全軍併赴狼山福  
山焦山瓜州一帶以資分布所有蕪湖以上江

面臣卽商令楊載福彭玉麟派營接防目下蕪湖縣城未復東西梁山未破吳李二鎮下駛後與上游相隔過遠未易聯爲一氣臣現往祁門距安慶江面已三百餘里此後或進駐徽甯或馳赴淮揚軍情瞬息變更機宜固不可遙度奏報尤不可太遲若概由臣處轉奏誠恐稽延貽誤楊載福統帶水師身經數百戰謀勇器識度

越諸將其江面戰守事宜似應仍令該提督會  
同彭玉麟妥辦並由該提督自行具奏以期秉  
承

聖訓無誤事機奏入得

旨允行

曾國藩又奏言欽奉

諭旨以張芾等任賊長驅致使大局決裂令臣  
察度臣

沿途訪問皆謂張芾所部兵勇近來甚不得力  
周天受駐守甯郡餉項久虧軍心渙散臣竊計  
該二郡兵勇如果足資攻勦應不至如此決裂  
臣於六月十一日進駐祁門距徽甯均數百里  
初到此閒情形未悉且兵將未齊勢難前進張  
芾所部各軍應暫由該副都御史統籌調度俟  
左宗棠張運蘭等新軍到皖後再行悉心察看

酌度辦理

同日巴棟阿奏言五月十六日賊匪在鎮江西路之橋頭等處盤踞並增設賊卡分黨竄擾坵山場岡等處臣督飭副將馮日坤等由高資等處進攻副將陶茂森等由高資山梁進兵直搗橋頭之南副將賴鎮海等管駕長龍快船進扼橋頭馮子材等復帶勇隊居中策應十七日自

寅至午官軍併力環攻槍礮齊施連奪炭渚賊  
卡三處陣斃黃衣賊目五名賊遁入柵我軍乘  
勝擁入殺賊極多立將橋頭賊壘攻克該逆奪  
路狂奔官軍追至下蜀街竹里廟等處沿途斃  
匪千名溺斃不可勝數餘賊由句容金陵一帶  
逃遁是日共計生擒逆匪十二名陣斬僞丞相  
僞指揮等十六名斬獲首級四百五十顆現仍

聞

多派偵探嚴密防維靜待援軍再圖進剿均奏  
入報